

通書也勝不通書及至通書可笑渠只向口頭閒咀嚼幾會心上白躑躅是非人我旋增長利欲私邪肯破除向上一機明不得之乎者也竟何如

黜聰明

非破聰明總作愚聰明惟恐自糊塗文華秀麗知而得清淨圓明會也無多在舌尖呈伎倆少能心地用功夫何時宇泰天光發始信虛閒卽道樞

凡俗

慳貪嫉妬愛便宜不顧危亡事事爲數盡勢窮無證據災生禍作莫稽持呼神喚鬼師巫跳咒律書符善友醫香火旋繞纒欲

道藏輯要

雲山集

三

歸集六

善閻家老子肯相隨

心醉

道人得味飲靈泉豈恃黃湯醉裏顛非殫六經窮奧旨特宜三要會重玄名鈎出沒魚吞餌利引東西螳慕羶醕酏萬緣俱不問卧看孤月上瑤天

赤窮

聰明黜盡性天虛浩劫塵情一一剝從此渾身赤骨立肯交幻境榷株拘牧牛不見人何在置地全空錐也無窮到赤窮窮不得活機放出莫非吾

從正

從來結習縱貪婪膠擾心靈苦不堪正令乍行邪並遣真功微
契道能參多生識寇知遊北歷劫迷方意指南世世生生啖黃
藥乳塘纔食便分甘

實行

後已先人謙又謙平懷本分自清廉利生接物仁無失契理明
真義亦兼莫幻妖邪驚世俗休生詭異誑閭閻本行德業能深
積向上機關不用拈

真功

休尋南嶽與天台名相虛頭盡咄回財色兩忘心地穩是非雙
泯性天開真誠清靜行無間公正仁慈德備該外行內功俱有

道藏輯要

雲山集

三

易集六
川〇三

積亘容圓滿寶花臺

劉輔之有女之戚

造物無情相戲弄笑中不覺成悲慟司花幻出真可人醞造十
年歡喜夢夢破俱空猶不懂盡心粧點傾城送聲銷線斷各還
家活墮一場乾取哄

化空

造化相謾人不識變態神通誰委悉電轉機關不可防黯黯前
程暗如漆翻掌存亡與消息朝四暮三顛倒七憂喜橫生沒奈
何一團虛幻看成實

風波